

Protocol da la radunanza generala dals 29 november 2018, a las 20.30 illa chasa cumünala Misoch

Tractandas

1. salüd dal president e s-chüsas
2. tscherna scrutinadurs
3. prelecziun dal protocol da la radunanza generala 2017
4. rapport annual dal president
5. rapport da la chaschiera e dals revisurs da quint
6. rapports dal schef da cuorsa, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. varia

1. salüd dal president e s-chüsas

A las 20.40 po il president Christian Poo salüdar a 31 commembers (inscrits illa glista da preschentscha). S-chüsats s'han Flurina Jann, Mario Riatsch, Anna Barbla Buchli, Cristian Juon, Silvio Vital e Braida Pinggera.

L'invid es gnü tramiss tenor statüts, uschè cha la radunanza es abla da trar decisiuns.

La radunanza s'adozza per ün minut da silenzi in memoria da Barnabà Demonti ed Andrea Buchli.

2. tscherna scrutinadurs

Sco dombravuschs vegn elet Andri Gritti.

3. prelecziun dal protocol da la radunanza generala 2017

Il protocol da la radunanza generala 2017 es gnü tramiss insembel cul invid. El vain approvà sainza cuntravuschs.

4. rapport annual dal president

Il president rapporta davart l'inviern passà. Quel resta garanti in memoria pervi da las naiveras chi'd ha dat in schner. I d'eiran però fingià sur Nadal fich bunas relaziuns per far passlung, ir sülla Motta o eir far turas. Il president loda la partecipaziun als arrandschamaints, quai chi ha eir consequenzas agreablas pella chascha. Societats cun blers commembers, chi spordschan differents arrandschamaints chi vegnan eir frequentats bain, survegnan contribuziuns plü otas dal cumün. D'inviern han gnü lö differents arrandschamaints dal club, la sairada da tschoccas a Sur-En, la gita sü Niruns, il passlung da clergluna, üna gita da skis e natüralmaing dals cuorsas dal club. Plünavant ha il club sustgnü pro differents arrandschamaints, pro'l Passlung Martina – Scuol e pro las cuorsas da la coppa BEST e la coppa mundiala dad ir cull'assa. La collavuraziun culs clubs da Scuol e Ftan ha funcziunà fich bain.

Dà stà ha gnü lö la Stafetta tras Sent, commembers da nos club s'han partecipats a la traversada dal Vnuost e'l punct culminant es sgüra statta la festina d'inauguraziun da la chamonna Cuvel da l'Iva. I s'han partecipats uffants e commembers cun etats da fin passa 90 ons.

Dürant quist on ha il president eir tut part a la radunanza da Swiss-ski e da la società da promoziun da sport d'inviern RPN.

Ella ingrazcha fich a differentas persunas: a Gianna Bettina ed Andri Gritti chi han sponsorà üna platta da gas per metter sul Cuvel da l'Iva, als collegas da suprastanza, als tempaders sco eir a tuot ils agüdants e sponsurs da premis chi'ns sustegnan adüna darcheu pro evenimaints.

El as giavüscha chi detta darcheu ün inviern cun blera naiv e spera natüralmaing eir chi nu capitan ningüns accidaints.

5. rapport da la chaschiera e dals revisurs da quint

Quist on serrà giò il quint cun üna guadogn da CHF 1'706.23. Il chapital agen importa uossa CHF 22'764.43. Quist guadogn es fich allegraivel, adonta chi s'ha gnü amo spaisas da CHF 1'375.39 pel Cuvel da l'Iva. Il guadogn es eir uschè ot causa la contribuziun dal cumün CHF 1'500.-.

Ün ingrazchamaint special va als sponsurs chi contribuiscan minch'on vi da premis per las cuorsas, a la butia da Plaz, a Sport Champatsch ed a la Chamonna Naluns.

Ils revisurs da quint Duri Valentin e Chasper Buchli han revais il quint. Quel vain fat bun cun dar dis-charg als organs respunsabels.

6. rapports dal schef da cuorsa, schef da turas, delegià Traversada e Stafetta tras Sent

Il schef da cuorsa Jon Buchli rapporta a regard las cuorsas dal club. Il passlung da not ha gnü lö a Scuol. Las cuorsas alpinas han stuvü gnir spostadas pervi da la trid'ora ed adonta chi han gnü lö lura pür aint pel marz, s'haja gnü üna buna partecipaziun. I s'han partecipadas 23 persunas al passlung, 22 al slalom e 30 al slalom gigantesc. 10 famiglias han fan part a la cumbinaziun. Eir schi'd es flot chi s'ha adüna darcheu annunzchas spontanas, giavüscha il schef da cuorsa chi gniss annunzchà per temp per chi possan eir gnir organisats ils premis e nu s'haja d'improvisar massa bler. La pista pellas prosmas cuorsas dal club es reservada. Plünavant ingrazcha el pel sustegn chi s'ha per organisar quistas cuorsas.

Il schef da turas, Andri Poo po comunicar chi s'haja pudü far d'ürant l'inviern passà duos turas il listess di, a bunura üna gita sül Piz Minschun e davo amo la Lavera, ingio chi sun gnüts pro amo ulteriurs partecipants. Implü s'haja pudü far amo üna gita da stà sül Piz Soèr in cumbinaziun cull'inauguraziun dal Cuvel da l'Iva. Quist inviern esa darcheu previs da far duos gitas, tenor relaziuns üna cun pernottar. Las datas provisoricas sun publichadas sül plan da l'on. In cas da spostamaints gnissan quels publichats illa chaistina chi's rechatta dadaint l'entrada dal Sport Champatsch.

Armon Nuotclà dà las orientaziuns davart la traversada dal Vnuost. Il comitè ha gnü üna sezzüda illa chamonna Sesvenna e là esa gnü comunicchà chi hajan quist on damain piazzas da durmir. Perquai esa important chi s'annunzcha plü bod pussibel. La prosma Traversada dal territori da Sent ha lö in sonda, als 6 lügl 2019.

Nataglia Caviezel rapporta davart la 35avla Stafetta tras Sent. Quella ha funcziunà fich bain, eir causa il sustegn da Tina Weiss e Christian Poo cul team da l'ustaria. La varianta da far tragets plü cuorts s'ha verificada. I's partecipeschan darcheu daplüssas persunas a la stafetta.

7. mutaziuns ed onurificaziuns

Sco novs commembers vegnan bivgnantadas las seguaintas persunas: Marianne Werro, Niculin Felix, Claudia Franziscus e Gregori Fetz.

Sortits da la società sun: Fadri Preuss, Rosina Taverna, Georg Koch, Linetta Krebs ed Ueli Krebs. Barnabà Demonti ed Andrea Buchli ans han displaschavelmaing bandunats per adüna.

Andri Poo survain ün regal per sustgnair al club fingià d'ürant 20 ons in differentas funcziuns da suprastanza. El survain ün grond applaus per tuot seis ingaschamaint.

8. tschernas

Tenor statüts ston gnir reelets d'ürant ils ons pèrs il president, la chaschiera, il schef da turas sco eir ils revisurs da quint. Quels as mettan darcheu a disposiziun e vegnan reelets cun applaus

Uschè as cumpuona il comité inavant seguaintamaing:

president:	Christian Poo
actuar:	Mario Rauch
chaschiera:	Martina Weiss
schef da cuorsa:	Jon Buchli
schef da turas:	Andri Poo
revisurs da quint:	Duri Valentin e Chasper Buchli

9. fixar contribuziun annuala

La contribuziun annuala vain fixada sün 25.- fr. per personas sainza commembranza da Swiss-Ski. Ils commembers cun commembranza da Swiss-Ski pajan 50.- fr.

10. program da l'on

Il program da l'on es gnü protramiss e vain preschantà dal president. El tira attent a müdamaints in congual cun l'on passà. Quist on ha lö in collavuraziun cullas Pendicularas eir üna cuorsa cun pels da Ftan o Prui fin sü Schlivera (La Palma). Implü han lö quist on las maestranzas svizras da magisters da skis cun ca. 1500 partecipants. Il club sustgnarà tenor sias pussibilitats. Da stà dess avair lö darcheu ün evenimaint da famiglia cun alch connex cul Cuvel da l'Iva.

11. varia

Ils manaders da l'OJ Marlies Zimmermann (alpin), Dominique Benderer ed Armon Nuotclà (nordic) survegnan ün pitschen regalín per lur ingaschamaint pel sport da giuvenils sco manaders da l'OJ.

Marianne Werro ha fat part al comité d'organisaziun dal Passlung Martina – Scuol. Ella dà orientaziuns davart quista cuorsa chi vain organisada suot la bachetta da Jachen Bass.

Andri Poo ingrazcha a Tina Weiss per tuot seis ingaschamaint illa suprastanza. Ella pissera adüna cha tuot funcziuna ed es adüna preschainta in tuot las occasiuns.

In schner 2020 cumplischa il Club Skiunzs Sent 100 ons. Là as faraja in mincha cas alch arrandschamaint plü grond. Il president appellescha als preschaints da dar a cas inavant ideas a la suprastanza.

Arina Riatsch fa part da la squadra naziunala da turas da skis dal CAS. Ella ha gnü fingià l'on passà fich grond success ed ha redot seis pensum da lavur per as dedichar amo daplü al sport. I fa grond plaschair dad avair uschè üna commembra i'l club da skis.

A las 21.40 serra il president la radunanza ed ingrazcha a la chaschiera pella marendina e l'ustaria ch'ella ha preparà. Davo la radunanza vegnan muossadas amo ün pèr fotografias dad arrandschamaints da l'on scuors.

L'actuar

Mario Rauch